

Miliki rokok diperoleh secara tidak sah, lelaki didenda

MIRI: Gara-gara memiliki beberapa jenis rokok yang dipercayai diperoleh secara tidak sah, seorang lelaki didenda RM500 atau seminggu penjara oleh Mahkamah Majistret.

Iftong Tinggang, 54, dari Pantu, Sri Aman telah didakwa mengikut Seksyen 37 (1) Ordinan Kesalahan-Kesalahan Kecil 1957 (Sarawak).

Jika sabit kesalahan, boleh dikenakan hukuman penjara hingga tiga bulan dan denda maksimum RM500.

Berdasarkan pertuduhan kes, tertuduh didapati ada

memiliki beberapa jenis rokok jenama Premium International, Era Luxury Red dan Era Luxury Menthol yang dipercayai diperolehi secara tidak sah.

Dia didakwa melakukan kesalahan itu pada jam 11.30 malam, 13 September lalu di sebuah premis di Desa Senadin Phase 8 Commercial Centre di sini.

Pendakwaan dikendalikan pegawai pendakwa Inspektor Mudzilawati Abdul Rahman di hadapan Majistret Nazira Adlin Ahmad Khairul Razi.